

Ioni Ya Iginuma V'-itonuna

Buki Taina Wayahina

Tomotau habuhabui ivitumahana buki taina a tau ginuma Sebedi natuna ana wava Ioni, Iesu a tau hae ananina aitam. Tauna mani buki kadu mani leta ginumi *Awaeha Vovouna* taina nihenina.

Leta taina nihenina Ioni tau ekalesia aitam ana wava Gaiusi apa-vidovidoheli. Iuna tuta tuta Gaiusi mani tau ekalesia ivaitei ineine papani tunina tunina wayahia, e Iesu vaneana inau-nau-wahei.

Ka Ioni aitam onoto ana wava Dioterepesi nau-vi-avini. Tauna onoto goyona. Ka kadu Ioni aitam onoto ana wava Demeteriusi apa-vidovidoheli.

Pai Vi-putu

¹ Yauke avaha avi-nainai. Ka au niau, Gaiusi, adewa-vidovidohem nuau nihenina, e yam leta taina aginumi omomo wayahima. Yauke Ioni, aitam tau dune-vi-avina ananina ekalesia nihenina.[◊]

² Au niau, aviamma wayahim Yaubada paisewa aitamoata aitamoata ededewe na-vo-vi-meani wayahim, kadu aviamma yam ma' ahiahina ema-maei, ka avaha anamanei, nuam ahiahina maa-maei deina.

[◊] **1:1:** Dew 19:29; Rom 16:23.

³ Ka tutana vavaneika tupwai iomo wayahiua, e imataedau vona tunutunuhina evi-muni-waiwaiei, akaka yauke adewa-haiawa ananina. Ka tuta tuta dewa tunutunuhina edewa-nubunubui deina.[☆]

⁴ Kadu avi tuta anononi natunatu vona tunutunuhina ivi-muni-waiwaiei, akanai yauke adewa-haiawa ananina, ka eha kadu aitam yau pai dewa-haiawa deina.

Ioni Gaiusi Apa-vidovidoheli

⁵ Au niau, tuta tuta Yam ivaita vavaneika ini-keyekeyei wayahi ahiahina. Eha tomotaui et'-anamane, kate eivaitei ahiahina.

⁶ Ka taui avaha iomo ekalesia baina wayahina, ka avaha Yam dewa-vidovidoha wayahina imataedai. Ka ataina tuta ahidahidam aviani taui nuanuai yai nae wayahina, ena-ivaitei deina. Aituhu kina, o kwama, o kadi aniani, akanai en'-awaeheli. Ka wamke Yam ivaita taina wayahina Yaubada evo-vi-dewa-haiawi.[☆]

⁷ Iuna taui yai nuanua Iesu ya paisewa ipaipaisewei. Wayahina, ivi-putu ini-keyekeyei. Ka tau paisewa-naia eha it'-awaeha tau ma' tanopi ina-ivaitei.[☆]

⁸ Wayahina, itoka tau ekalesia nau-wawanika tau paisewa-naia kaivaitai, e yai paisewa vona tunuhina wayahina kavo-vi-meani deina. Wayahina kina, o kwama, o kadi aniani kavenevenei kana-ivaitei.

Dioterepesi Ka Demeteriusi

[☆] **1:3:** 2Io 4. [☆] **1:6:** Tit 3:13. [☆] **1:7:** 1Ko 9:11-12.

9 Yauke avaha aitam leta aginumi omo ekalesia tenoke wayahina, kate Dioterepesi yau vivavenena letana nihenina vihahaiei. Tauna ya nuanua tauna ana heta tau ekalesia habuhabui na-veimeyei.

10 Wayahina apaina, aituhu yauke an'-omo wayahimia, akanai tauna yana dewa goyona aitamoata aitamoata ahaeyei matamia, vivane tauna ya mabonu goyo-vainena wayahiua, kadu ya vitupu habuhabui wayahiu. Ka dewaia tupwai taina. Tauna mani dewa goyona bouni hetana. Wayahina, avi tuta vavaneika iomomo wayahimia, tauna eha ya nuanua na-nau-kaiwe. Ka aituhu aviyaivia wayahimia yai nuanua vavaneika inau-kaiwei ina-ivaitai, Dioterepesi taui vito-potei, kadu yami ekalesia wayahina vo-taho-neiei! Ia!

11 Au niau, adewa-vidovidohem. Eha dewa goyona deina ev'-iune, kate nau-wawanim dewa ahiahina ev'-iunei. Aituhu aviyaivia dewa ahiahina idewa-nubunubui, taui Yaubada natunatuna, kate aituhu aviyaivia goyona idewa-nubunubui, taui eha Yaubada ita-dueye.[✳]

12 Tomotau habuhabui Demeteriusi iapa-vidovidoheli, ka tauna yawaina tunutunuhina kadu apa-vidovidoheli. Ka kadu yauke tauna apa-vidovidoheli, ka avaha eanamaneu, yauke yau hae tunuhina.

Pai Nau-yehata

13 Vona habuhabuna mamaei, kate eha yau nuanua aginumi wayahima yam leta taina nihenina.[✳]

[✳] **1:11:** 1Io 3:6-10. [✳] **1:13:** 2Io 12.

¹⁴ Iuna yau nuanua tuta eha ani-hoina na-iakwa an'-omo wayahima, e nui kanau-basekwa ananina.

¹⁵ Yau nuanua nua gomagomanina evaniahei Yaubada wayahina.

Yaiaka baina yai nau-kaiwa iva-tawanei omomo wayahima.

Kadu yau nuanua wamke yaiaka tenoke aita-moata aitamoata enau-kaiwei yauke wayahiu.

Ana mata deina.

Yauke Ioni

**Awaeha Vovouna Minaveha Movic
The New Testament in the Minaveha Language of
Papua New Guinea
Nupela Testamen long tokples Minaveha long Niugini**

copyright © 2008 Wycliffe Bible Translators, Inc.

Language: Minaveha

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-04-23

PDF generated using Haiola and XeLaTeX on 18 Apr 2025 from source files dated 31 Aug 2023

b67aeeef-7e9d-566a-9ff5-cb22ab7e2ea4